

Formiranje cijene mlijeka

Osnovna cijena mlijeka utvrđuje se na osnovu procentualnog udjela mliječne masti i bjelančevina, te njihove jedinične novčane vrijednosti prema formuli:

$$OCM = (M \times v_1) + (B \times v_2)$$

gdje je: OCM = osnovna cijena sirovog mlijeka; M = % masti u mlijeku; B = % bjelančevina u mlijeku; v_1 = novčana vrijednost masne jedinice, koju ugovaraju proizvođač i mljekara v_2 = novčana vrijednost jedinice bjelančevina, koju ugovaraju proizvođač i mljekara.

Osnovna cijena mlijeka dalje se koriguje za mlijeko iznad zadovoljavajućeg kvaliteta (3,6% mliječne masti i 3,0% bjelančevina za kravlje mlijeko). Razvrstavanje u klase kravljeg mlijeka vrši se zavisno od broja bakterija i na osnovu broja somatskih ćelija.

Mlijeku koje je razvrstano u klase dodjeljuje se i vrijednost sa dodatim koeficijentom stimulacije od mljekare. Mljekare su dužne da vrše otkup i obračun cijene mlijeka po pravilima uredbe o kvalitetu mlijeka Federacije BiH koja precizira obračun cijene mlijeka po svakom parametru koji učestvuje u formiranju cijene mlijeka.¹

Gospodareći sa domaćim životinjama, farmeri treba da imaju duboko razvijenu svjest da rade sa biloškim živim organizmom, te da u tom smislu vode brigu o dobrobiti i zdravlju životinje, a tek onda da koriste njihove proizvodne sposobnosti. Iskusni proizvođači znaju da je zdravstveno stanje životinje osnova dobrog gospodarenja muznim kravama.

Na kvalitet i cijenu mlijeka u najvećoj mjeri utiče pravilna ishrana muznih krava. Dobro pripremljen obrok sa svim potrebnim sadžajima hranjiva, raspoloživa voda, te uslovi smještaja muznih krava su osnovni uslovi proizvodnje mlijeka. Provođenje dobre higijenske prakse u manipulaciji sa mlijekom je faktor koji direktno utiče na kvalitet mlijeka i njegovu cijenu. U procesu gospodarenja muznim grlima, neophodna je dobra osposobljenost farmera, i želja za unapređenjem svoga rada, te njegovo stalno edukovanje i podizanje kvaliteta proizvodnje mlijeka. Neophodno je da je farmer informisan i da razmjenjuje iskustva sa drugim farmerima zavisno o vrsti stočarske proizvodnje u koju je uključen. U manipulaciji sa mlijekom ima nekoliko osjetljivih faza. Vodeći računa o osjetljivim fazama u proizvodnji mlijeka i poštujući pravila toka manipulacije mlijekom do njegovog odredišta, proizvođač može uticati na smanjenje broja somatskih stanica i bakterija u mlijeku i na taj način direktno uticati na formiranje cijene mlijeka.

Naši korisnici koji se bave poljoprivredom imaju besplatne savjete o većini tema iz stočarstva od strane zaposlenih agronoma Partner MKF, te su u pogledu te usluge korak ispred svojih kolega koji se bave stočarskom proizvodnjom.



Želim da se bavim stočarstvom

¹ Uredba o kvalitetu svježeg sirovog mlijeka i načinu utvrđivanja cijene svježeg sirovog mlijeka.